

ANUGERAH EDUSAVE BAGI SEKOLAH MENENGAH BEBAS

Ibu Bapa/Waris sekalian,

Pemerintah telah memberikan Anugerah Edusave setiap tahun kepada murid-murid Singapura untuk mempertingkatkan peluang-peluang pendidikan dan memberikan motivasi kepada murid-murid untuk mencapai kecemerlangan di sekolah-sekolah dalam domain akademik dan bukan akademik. Yang berikut adalah tiga kategori umum untuk Anugerah Edusave:

- a) Kecemerlangan dalam Keperibadian dan Nilai
 - Anugerah Keperibadian Edusave
- b) Kecemerlangan dalam Pencapaian Bukan Akademik
 - Anugerah Edusave bagi Pencapaian, Kepimpinan dan Khidmat yang Baik (EAGLES)
- c) Kecemerlangan dalam Pencapaian Akademik
 - Anugerah Tahunan Edusave (Sekolah Bebas)
 - Dermasiswa Merit Edusave
 - Anugerah Kemajuan Baik Edusave

Jenis Anugerah	Untuk Siapa?	Berapa Jumlahnya?	Bagaimana Anugerah diberikan?
Anugerah Keperibadian Edusave	Murid-murid yang menunjukkan nilai teladan dan berkeperibadian melalui tingkah laku dan tindakan mereka. Anugerah ini diberikan sehingga 2% daripada pelajar Singapura.	\$500	Penerima anugerah akan diberitahu melalui pos pada lewat bulan November.
Anugerah Edusave bagi Pencapaian, Kepimpinan dan Khidmat Baik (EAGLES)	Murid-murid yang menunjukkan mutu kepimpinan, memberikan khidmat baik kepada masyarakat dan sekolah, dan cemerlang dalam kegiatan bukan akademik. Murid-murid juga harus lulus dalam peperiksaan sekolah dan berkelakuan baik. Anugerah ini diberikan kepada sehingga 10% daripada murid-murid Singapura.	\$350	Penerima anugerah akan diberitahu melalui pos pada lewat bulan November.
Anugerah Tahunan Edusave (Sekolah Bebas)	Murid-murid dalam golongan 5% terbaik berdasarkan akademik bagi setiap peringkat dan berkelakuan baik.	Yuran sekolah tahunan bagi sekolah bebas tolak yuran yang dikenakan bagi sekolah Pemerintah/ Bantuan Pemerintah*	Sekolah akan memberitahu murid-murid yang akan menerima anugerah ini.
Dermasiswa Merit Edusave	Murid-murid dalam golongan 25% terbaik bagi setiap peringkat dan aliran akademik, berkelakuan baik dan pendapatan kasar keluarga kurang \$6,000 sebulan (atau pendapatan per kapita di bawah \$1,500).	\$350	<ul style="list-style-type: none"> • Murid-murid yang layak untuk memohon dermasiswa ini akan menerima borang permohonan melalui pos pada lewat bulan November. • Sekiranya pendapatan keluarga anda di bawah \$6,000 (atau pendapatan per kapita di bawah \$1,500), anda boleh melengkapkan borang permohonan dan mengembalikan borang itu di kelab masyarakat yang terdekat dengan rumah anda pada awal bulan Disember. • Para pemohon yang berjaya akan diberitahu melalui pos pada bulan Disember/Januari.
Anugerah Kemajuan Baik Edusave	Murid-murid dalam golongan 10% terbaik berdasarkan kemajuan akademik dan berkelakuan baik.	\$200	Penerima anugerah akan diberitahu melalui pos pada awal bulan Disember.

*Anugerah kuantum bagi murid-murid yang dimasukkan ke menengah 1 dari tahun 2008 dan selanjutnya ialah \$2,400 atau yuran tahunan sekolah bagi sekolah bebas *ditolak dengan* yuran yang dikenakan oleh sekolah Pemerintah/Bantuan Pemerintah atau mana-mana yang lebih rendah.

Semoga anak anda mencapai kejayaan dalam pelajarannya dan dalam kegiatan-kegiatan bukan-akademik yang diceburinya.